



Aqqalu C. Jerimiassen
Atassut

UPA 2024/102 - 1
23. april 2024

Inatsisartut aalajangiiffigisassaattut siunnersuut, Naalackersuisut peqquneqassasut naalagaaffiup avataani Kalaallit Nunaata sinniisoqarfiinut aningaasartuutit nalilersoqqullugit. Nalilersuineq Inatsisartunut UPA2024 ingerlanerani agguanneqassaaq

(Inatsisartunut ilaasortaq Jens-Frederik Nielsen, Demokraatit)

Sinniisoqarfeqarneq siunertaq kusanartuuvoq toqqammavimmigut, tassami nunatta avammut attaveqaateqarneranut pitsaanerusumik angusaqarsinnaanermut tunaartaqarlutik ingerlanissaannut aallaaveqartumik pilrsitaammata.

Taamaakkaluartorli! Aasit taamaakkaluartorli, siunnersuteqartut oqariartuutaat paasilluarsinnaavakka.

Aajunali issanngunartua, ulloq kingulleq tikillugu suli naalackersuisut akissuteqaatissaat takkussimangimmalluunniit, taannalu toqqaannartumik taalluaannarlugu sullarlunneruvoq, inatsisartuullunilu isummernissamut annertuumut kipiluttunartuullunittaaq.

Asuliinnaq maani oqaaseqariartorneq ajorpugut, asuliinnaangilarlu aaliangiisarnerput, tassani naalackersuisut pitsaanerusariaqarput inatsisartunullu ataqqinninnerusariaqarput.

Sumiiffinni taakkartorneqartuni sinniisoqarfeqarneq ataatsimut tamaat isigissagaanni, pingaartuusorinarpoq taakkua sinnissoqarfiit aqquingalugit, qanormita annertutigisumik nunarput avammut niuernikkut pitsanngoriaateqartitsisimava? Imaluunniit illuanut apeqqt saakkaanni, qanormita nunarput annertutigisumik aningaasartuuteqarsimava?

Taakkua tikkuussillik sinniisoqarfiup pisariaqassusaanut uuttuutitut atornissaanut.

Imaariaannaangamimi, naatsorsuutigingeqqinnaakkatsinnik niuernikkut annertuumik sunniuteqariaasaarsimasut, ilimagisamiit pitsaanipilussuarmik, taamaattoqassappallu soorunami iluatigisassaqarpugut. Taamangippalli inuiaqatigiit aningaasalersugarimmatikkit eqqarsarluarluta pisariaqarpugut.

Taamaammatt siunnersuuteqartoq Atassummiit ugguuna ilalerumavarput, qaa misissorniartigit qulaajarlugit.

Taamatullu naatsunnguamik Atassummiit oqaaseqarluta, siunnersuut ilusaatut isikkoqartillugu taperserparput.